

so warm ynn die wunden / es heylet. Item / nym
gundreben / waschs vnd seuds wol / alsdenn wasch
damit die wunden / vnd stos den meysfel darein.

Zu der Geschwulst.

Darfur nym steinpfeffer vnd hauswurtz / stos die zu
sammen / drück den safft daraus / vnd zeuch ein leinen
tuch dardurch / vnd legs darüber.

Ein anders fur alle Geschwulst.

Seud Lein ynn gays odder ziegen milch / vnd binds
darüber. Item / seud Ponennmehl ynn wein / mit ei-
ner butter / das ist gut vbergebunden.

Fur Ditz ynn aller Geschwulst.

Stos wegerich mit der wurtz mit altem schmer / vñ
legs darüber. Item / nym heroblumen yn ein tuch /
seud sie gar wol / vnd bind das vber die geschwulst / es
hilfft vnd setzt sich nidder. Ein anders.

Nym gerstenmehl / tauben Kot / temperiers mit essig
mach ein pflaster daraus / legs vber nacht auff die ge-
schwulst. So die füsse geschwellen.

Bind ein gays odder ziegen Kes darüber / es hilfft.

Wenn die glieder von verstocktem blut verseert sein.

Nym Dorn myes / seud yhn ynn gays odder ziegen
milch / binds warm darüber. Zu der geschwulst / ist
nichts so gewis als Schwefel / den seud ynn starckem
wein / vnd bind den vber die geschwulst / es hilfft.

Fur geschwulst die von fallen odder stossen komet.

Nym eyertottern vnd binds darüber / Odder nym
röcken Kleyen vnd Alttich wurtz / magstu die gehabt /
seud die ynn essig / vnd binds darüber. Item / vber
igliche geschwulst lege Knoblach mit schweinem sch-
maltz gemischt / sie sitzt nidder.

Fur die Kur diffenteria genant.

D iij Legewol-